

1490:5

晉

書

四

志第四

晉書十四

御撰

地理上

魏郡

雍州

兖州

豫州

梁州

益州

平州

寧州

昔者元胎無象太素流形對越在天以為元首則記所謂冬居營窟夏居橧巢飲血茹毛未有麻絲者也及燧人鑽火庖犧出震風宗下武炎胤昌基畫野無聞其歸一揆黃帝則東海南江登空躡岱至於崑崙振轡風山訪道存諸汗竹不可厚誣高陽任地依神帝嚳順天行義東踰蟠木西濟流沙北至幽陵南撫交趾日月所經舟車所至莫匪王臣不踰茲域帝堯時禹平水土以為九州虞舜登庸厥功彌劭表提類而分區宇判山河而考疆域冀北創并部之名燕齊起幽營之號則書所謂肇十有二州封十有二山者也夏功在于唐堯殷因無所損益周武克商自豐徂鎬至成王時改作禹貢徐梁入於青雍冀野析於幽并職方掌天下之士以周厥利保章辯九州之野皆有分星東南曰揚州正南曰荊州河南曰豫州正東曰青州河東曰兖州正西曰雍州東北曰幽州河內曰冀州正北曰并州始皇初并天下懲忒戰國削罷列侯分天下

為三十六郡

三川河東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右北平遼西遼東代郡鉅鹿邯鄲上

黨太原雲中九原鴈門上郡隴西北地漢中巴郡蜀郡黔中長沙凡三十五郡與內史為三十六郡也於是興師踰江平取百

越又置閩中南海桂林象郡凡四十郡郡一守焉其地則西臨洮而北

沙漠東縈西帶皆臨大海漢祖龍興華秦之弊分內史為三部更置郡

國二十有三

汝南淮陽千乘東萊燕國清河信都常山中山渤海廣漢涿郡合二十三

改河上渭南中地以上渭南中地也地地理志曰高祖增文增

厥九廣平城陽淄川濟南膠西膠東河景加其四齊北齊陰山陽北海

武帝開越攘胡初置十七

耳九郡平西南夷置犍牁越雋沈黎汶山犍

又分益州六郡西置武都郡拓土分疆又增十四泉陳留安定天水玄菟

樂浪廣陵郡合十七郡至平帝元始二年凡新置郡國

七十有一與秦四十合一百一十改雍曰涼改梁曰益又置徐州復

夏舊號南置交趾北有朔方凡為十三部

涼益荆揚青豫兗徐幽并冀十一州交趾朔方二刺史合

十三部光武投戈之歲在彫耗之辰郡國蕭條并省者八密城陽臨川高

慎定陽建武十一年省州牧復為刺史貞十二人各掌一州明帝置一

永昌

章帝置二

任城吳郡

和順改作其名有九

和置濟北廣陽順改淮陽為

信都為安平天水為漢陽省朔方刺史合之於司隸凡十三部其與西

者司隸校尉部即台而郡國百有八焉省前漢八分置五改舊名恒靈

頗增於前復置六郡

恒高陽高京博陵靈南安都陽靈陵

魏武定霸三方鼎立生靈版蕩

關洛荒蕪所置者十一

新與樂平西平新平洛陽陰平

所省者七上郡

五原雲中定襄遼陽廬江

而文帝置七

朝歌陽平代陽魏興新城義陽安豐

明及少帝增二明上庸也得

漢郡者五十四焉蜀先主於漢建安之間初置郡九

巴東巴西梓潼江陽汶山漢嘉朱提

涪陵後主增二

雲南得漢郡者十有一焉吳主大皇帝初置郡五臨賀

珠崖新安

少帝景帝各四

少順川海每衡陽湘東歸命侯亦置十有

二郡

始安始興即陵安城新昌武都得漢郡者十有八焉晉武帝太康

元年既平孫氏凡增置郡國二十有三

榮陽上洛頓丘臨淮東莞襄城

陰平義陽毗陵宣城南康省司隸置司州別立梁秦寧平四州仍吳

之廣州凡十九州

司隸兖豫荆徐揚青幽平并雍涼秦果益寧交廣州郡國一百七十二仍吳所置

蜀新置十一仍魏所置二十三以為冠帶之國盡有殷周之土若乃敦龐

於天地之始昭晰於犧農之世用長黎元未爭疆場而玉環楷矢夷裘
風駕南翬表貺東風入律光乎上德奚遠弗臻然則星象麗天山河紀
地端掖裁其弘敞嶠函判其都邑仰觀俯察萬物收歸是以洛汭咸陽
宛然秦漢晉濱河西同知堯禹于茲新邑宅是鎬京五尺童子皆能口
誦者史官弗之書也昔庖犧氏生於成紀而為天子都於陳神農氏都
陳而別營于曲阜黃帝生於壽丘而都於涿鹿少昊始自窮桑而遷都
阜顓頊始自窮桑而徙邑商丘高辛即號建都于亳孫卿子曰不登高
山不知天之高不臨深谿不知地之厚也大哉坤象萬物資生載崑崙華
而不墜傾河海而寧泄考卜惟王乘飛駐軫睨崑崙而鑄勒覽曾城以
為翫時逢誓浸道接陵夷平王東遷星離亘剖當塗馭寓瓜分鼎立世
祖武皇帝接千祀之餘當八堯之禪先王桑梓罄宇來歸斯固可得而
言者矣惠皇不虞中州盡棄永嘉南度綸行建鄴九分天下而有二焉
○昔大禹觀於濁河而受綠字寰瀛之內可得而言也天有七星地有
七表天有四維地有四瀆八紘之外名為八極地不足東南天不足西

北八極之廣東西二億三萬一千三百里南北二億三萬一千三百里
自地至天半八極之數自下亦如之昔黃帝令豎亥步自東極至于西
極五億十萬九千八百八步史臣按凡周天積百七萬九百一十三里
徑三十五萬六千九百七十里所謂南北為經東西為緯天有十二次
日月之所躔地有十二辰王侯之所國也或因生得姓因功命土祁酉
燕齊在乎茲域昔堯帝旁行天下方制萬里得百里之國萬區則周易所
謂首出庶物萬國咸寧者也昔在帝堯叶和萬邦制八家為鄰三鄰為
朋三朋為里五里為邑十邑為都十都為師州十有二師焉夏后氏東
漸于海西被于流沙南浮于江而朔南暨聲教窮豎亥所步莫不率俾
會群臣於塗山執玉帛者萬國於是九州之內作為五服天子之國內
五百里甸服百里賦納總二百里納鉅三百里納結服四百里粟五百
里米甸服外五百里侯服百里米二百里任三百里侯侯服外五百里綏
服三百里揆文教二百里舊武衛綏服外五百里要服三百里夷二百
里蔡要服外五百里荒服三百里蠻二百里流訖于四海弼成五服五

服至于五千里夏德中微遇有窮之亂少康中興不失舊物自孔甲之後以至於桀諸侯相兼其能存者二千餘國方於塗山十損其七矣成湯敗桀於焦遷鼎于亳伊摯仲虺之徒大明憲典王者之制爵祿公侯伯子男凡五等天子之田方千里公侯田方百里伯七十里子男五十里不能五十里者不合於天子附於諸侯曰附庸凡四海之內九州州方千里州建百里之國三十七里之國六十五里之國百有二十凡二百十國名山大澤不以封其餘以爲附庸間田八州州二百一十國天子之縣內百里之國九十七里之國二千有一五十里之國六十有三凡九十三國名山大澤不以班其餘以祿士以爲間田凡九州千七百七十國天子之元士諸侯之附庸不與天子百里之內以供官千里之內以爲御千里之外設方伯五國以爲屬屬有長十國以爲連連有帥三十國以爲卒卒有政二百十國以爲州州有伯八州八伯五十六正百六十八帥三百三十六長八伯各以其屬屬於天子之老人分天下爲左右曰二伯千里之內曰甸千里之外曰采曰流天子使其大夫爲三監監於

方伯之國國三入天子之縣內諸侯祿也外諸侯嗣也

武王歸豐監於二代設爵惟五分土惟三封同姓五十餘國周公康叔建於魯衛各數百里太公封於齊表東海者也凡一千八百國布列於五千里內而太昊黃帝之後唐虞侯伯猶存大司徒以諸公之地封疆方五百里其食者半諸侯之地方四百里其食者三之一諸侯之地方三百里其食者三之一諸子之地方二百里其食者四之二諸男之地方百里其食者四之一不易之地家百畝一易之地家二百畝再易之地家三百畝五家為比使之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓小司徒以五人為伍五伍為兩四兩為卒五卒為旅五旅為師五師為軍以起軍旅以作田役以此追胥以令貢賦乃經土地而井收其田野九夫為井四井為邑四邑為丘四丘為甸四甸為縣四縣為都遺人則十里為廬廬有飲食三十里有宿宿有路室路室有委五十里有市市有候候有館館有積遂人則五家為鄰五鄰為里四里為鄹五鄹為鄙

五鄙為縣五縣為遂大司馬以九畿之籍施邦國之政方千里曰國畿

其外方五百里曰侯畿又其外方五百里曰甸畿又其外方五百里曰

男畿又其外方五百里曰采畿又其外方五百里曰衛畿又其外方五

百里曰蠻畿又其外方五百里曰夷畿又其外方五百里曰鎮畿又其

外方五百里曰藩畿畿田限也自王城以外面五千里為界有分限者九也于時治致太平政稱

刑措民口千三百七十一萬四千九百三十三蓋周之盛者也其衰也則

禮樂征伐出自諸侯彊吞弱而眾暴寡春秋之初尚有十二百國迄獲

麟之末二百四十二年弑君三十六亡國五十二諸侯奔走不得保其社稷

者不可勝數而見於春秋經傳者百有七十國焉百三十九知其所居

魯邾鄭宋紀衛西虢莒齊陳杞蔡邢邾晉薛許鄧秦曹楚隨黃梁虞鄭小邾徐燕邾麋舒庸邾萊吳越有第三苗瓜州有虞東虢共宿申夷向

南燕滕凡戴息郕郕項密任須句邾史頓管雍畢豐譚蕭遂滑權鄭霍耿江異弦道柏微郕厲項密任須句邾史頓管雍畢豐譚蕭遂滑權鄭霍耿

焦沈六巢根牟唐黎郕瑕寒有焉邾灌邾尋過有過戈偏陽郭鑄豕韋唐杜楊幽郕觀皂邳胡黎大庭駘岐邳鍾吾蒲姑昆吾旁密須甲父

桐亳三十一國盡云其處祭極荀賈貳軫絞於餘丘陽箕英氏毛聃芊

韓趙駢關鞏騶蠻夷戎狄不在其間五伯迭興總其盟會陵夷至于戰國

遂有七王

韓魏趙燕
齊秦楚

又有宋衛中山不斷如綫如三晉篡奪亦稱孤也

司馬法廣陳三代曰古者六尺為步步百為畝畝百為夫夫三為屋屋

三為井井方一里是為九夫八家共之一夫一婦受私田百畝公田十畝

是為八百八十畝餘二十畝為廬舍出入相友守望相助疾病相救民

受田上田夫百畝中田夫二百畝下田夫三百畝歲受耕之爰自其處其

家衆男為餘夫亦以口受田如此士工商家受田五口乃當農夫一口

有賦有稅稅謂公田什一及工商衡虞之人也賦供車馬甲兵士從之

役民年二十受田六十歸田種穀必雜五種以備災旱田中不得有樹

以妨五穀環廬種桑柘菜茹有畦瓜瓠果苽植於疆場雞犬狗豕無

失其時間有序鄉有庠序以明教庠以行禮司馬之法官設六軍之衆

因井田而制軍令地方一里為井井十為通通十為成成方十里成十

為終終十為同同方百里同十為封封十為畿畿方千里故井四為邑

邑四為丘丘十六井有戎馬一匹牛三頭四丘為甸甸六十四井也有

戎馬四匹兵車一乘牛十二頭甲士三人卒七十二人是謂乘車之制

一同百里提封萬井除山川坑岸城池邑居園囿街路三千六百井定出賦六千四百井戎馬四百匹兵車百乘此卿大夫菜地之大者也是謂百乘之家一封三百六十六里提封十萬井定出賦六萬四千井戎馬四千匹兵車千乘此謂諸侯之大者也謂之千乘之國天子畿內方千里提封百萬井定出賦六十四萬井戎馬四萬匹兵車萬乘戎卒七十二萬人故天子稱萬乘之主焉

秦始皇既得志於天下訪周之敗以為處士橫議諸侯尋戈四夷交侵以弱見奪於是削去五等焉

漢興創文亡秦孤立而敗於是剗裂封疆立爵二等功臣侯者百有餘邑于時民罹秦項戶口彫弊大侯不過萬家小者五六百戶而尊王子弟大啓九國古者有分土而無分民若乃跨州連郡小則十有餘城以戶口為差降略封疆之遠近所謂分民自漢始也起鴈門以東盡遼陽為燕代常山以南太行左轉渡河濟漸于海為齊趙穀泗以注奄有龜蒙為梁楚東帶江湖薄會稽為荆吳北界淮瀕略廬衡為淮南波漢之

陽豈九疑爲長沙諸侯比境周匝三垂外接胡越天子自有三河東郡
潁川南陽自江陵以西至巴蜀北至雲中西至隴西與京師內史凡十
五郡文帝采賈生之議分齊趙景帝用鼂錯之計削吳楚武帝施主父
之冊下推恩之令使諸侯王得分戶邑以封子弟不行黜陟而藩國自
析自此以來齊分爲七趙分爲六梁分爲五淮南分爲三皇子始立者
大國不過十餘城長沙燕代雖有舊名皆亡南北邊矣自文景與民休
息至平帝元始二年民戶千二百二十三萬三千六百二十二口五千九百五十
九萬四千九百七十八其地東西九千三百二里南北萬三千三百六十八
里大率十里一亭亭有長十亭二鄉鄉有三老有秩嗇夫游徼各一人
縣大率方百里民稠則減稀則曠鄉亭亦如之皆秦制也光武中興不
踰前制東海王彊以去就有禮故優以大封兼食魯郡二十九縣其餘
稱爲寵錫者兼一郡而已至桓帝永壽三年戶千六十七萬七千九百
六十口五千六百四十八萬六千八百五十六斯亦戶口之滋殖者也
獻帝建安元年拜曹操爲鎮東將軍封費亭侯

魏文帝黃初三年初制封王之庶子為鄉公嗣王之庶子為侯公侯之庶子為亭伯

劉備章武元年亦以郡國封建諸王或遙採嘉名不由檢土地所出其子二十萬男女口九十萬

孫權赤烏五年亦取中州嘉號封建諸王其戶五十二萬三千男女口二百四十萬

晉文帝為晉王命裴秀等建立五等之制惟安平郡公享邑萬戶制度如魏諸王其餘縣公邑千八百戶地方七十五里大國侯邑千六百戶地方七十里次國侯邑千四百戶地方六十五里大國伯邑千二百戶地方六十里次國伯邑千戶地方五十五里大國子邑八百戶地方五十里次國子邑六百戶地方四十五里男邑四百戶地方四十里

武帝泰始元年封諸王以郡為國邑二萬戶為大國置上中下三軍兵五千人邑萬戶為次國置上軍下軍兵三千人五千戶為小國置一軍兵千五百人王不之國官於京師罷五等之制公侯邑萬戶以上為大

國五千戶以上為次國不滿五千戶為小國太康元年平吳大凡戶二百四十五萬九千八百四十口一千六百一十六萬三千八百六十三而江右諸國並三分食一元帝渡江太興元年始制九分食一

司州按禹貢豫州之地及漢武帝初置司隸校尉所部三輔三河諸郡其界西得雍州之京兆馮翊扶風三郡北得冀州之河東河內二郡東得豫州之弘農河南二郡郡凡七位望隆于牧伯銀印青綬及光武都

洛陽司隸所部與前漢不異魏氏受禪即都漢宮司隸所部河南河東河內弘農并冀州之平陽合五郡置司州晉仍居魏都乃以三輔還屬雍州分河南立滎陽分雍州之京兆立上洛廢東郡立頓丘遂定

名司州以司隸校尉統之州統郡一十二縣二百戶四十七萬五千七百

河南郡

漢置統縣十二戶一十萬四千四百置尹

洛陽

置尉五部三市東西七里南北九有開陽平昌宜陽建陽四門西有

廣陽西明閭闔三門北有大夏廣莫二

門司隸校尉河南尹及百官列城內也

河南

周東都王城郊郭也鞏鞏周孝王封周公

於鞏號東周故戰國時有東西周號芒山首陽其界也

河陰

新安

函谷關所居成臯有閼鄡侯氏劉

聚周大夫劉子邑有延壽城仙人祠

陽城

有鄂阪關此邑是為地中夏至景尺五寸有陽城山箕山許由墓在焉

新城

有延壽關

故戎蠻陸渾故蠻子國楚莊王伐陸渾是也梁戰國時謂為南陽程

榮陽郡秦始二年置統縣八戶三萬四千榮陽地名教秦京段所居密幾內卷博

浪長沙張良擊秦始皇處陽武苑陵中年六國時趙獻侯都開封宋蓬池在東

弘農郡漢置統縣六戶一萬四千弘農本國谷關漢武湖故曰湖漢陝分陝東西

二相之宜陽縣南緇池華陰縣南華陰華山在

上洛郡秦始二年分京北南部上洛曉關在西北商秦相衛盧氏熊耳在山東

平陽郡故屬河東魏分立統平陽舊堯都楊故楊端氏韓魏趙既為諸侯

永安故霍伯國蒲子狐譚襄陵相國絳邑曲沃徙此濩澤析城山臨汾

相國北屈壺口山在東南皮氏故取

河東郡秦置統縣九戶安邑舊晉舜聞喜故曲沃晉武公垣王屋山在

所汾陽相國太陽吳山在西周武王猗氏古猗解有鹽蒲坂有歷山

也有雷首山夷齊居河北

汲郡秦始二年置統縣汲有銅朝歌紂所共故國北林慮獲嘉故

新中鄉漢武帝行過脩武晉所啓南陽時獲呂嘉首因改名脩武秦改名脩武

河內郡

漢置統縣九戶五萬二千

野王

太行山州故晉懷

平

郡侯自襄國徙此

河陽

沁水

軹故周原邑

山陽

溫故國地蘇

廣平郡

魏置統縣十五戶三萬五千二百

廣平

邯鄲

易陽

武安

涉

襄國

故鄆侯

南和

任曲

梁列人

肥鄉

臨水

廣年

陽平郡

魏置統縣七戶五萬一千

元城

漢元石

館陶

清泉

發干

東武陽

樂平

魏郡

漢置統縣八百

鄴

武受

長樂

魏

丘安陽

蕩陰內黃

黃池在西黎陽故魏國

頓丘郡

秦始二年置統縣四戶六千三百

頓丘

繁陽

陰安

衛

永嘉之後司州淪沒劉聰聰以洛陽為荊州及石勒復以為司州石季龍又分司州之河南河東弘農滎陽兖州之陳留東燕為洛州元帝渡江亦僑置司州於徐非本所也後以弘農人流寓尋陽者僑立為弘農郡又以河東人南寓者於漢武陵郡尋陵縣界上明地僑立河東郡統安邑聞喜永安臨汾弘農譙松滋大戚八縣並寄居焉永和五年桓溫入洛復置河南郡屬司州

兗州按禹貢濟河之地舜置十二牧則其一也周禮河東曰兗州春秋
元命包云五星流為兗州兗端也信也又云蓋取兗水以名焉漢武帝
置十三州以舊名為兗州自此不改州統郡國八縣五十六戶八萬三

千三百

陳留國漢置統縣十戶小黃浚儀有洪溝漢高祖封丘酸棗鳥巢

棘陽故城在棘陽長垣故城在長垣雍丘故杞尉氏襄邑外黃

濮陽國故屬陳郡晉初分東郡濮陽之樂既而役此水公國相

廩丘公國相有白馬有魏鄆城公國相

濟陽郡漢置統縣九定陶漢高帝封彭城乘氏故侯句陽離狐

宛句已氏成武有楚單父故侯城陽舜所漁竟

高平國故屬梁國晉初分山陽昌邑侯相有鉅鹿贍獲方與金鄉

陸湖高平南陽侯國有

任城國漢置統縣三任城古任亢父樊

東平國漢置統縣七須昌有崔壽張有祠范無鹽富城東平陸剛平